



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბებენგის კედელი

ბებენგის კედელი, ფიცრულა, ქედი მესტიის მუნიციპალიტეტში, კავკასიონის მთავარი ქედის ყველაზე მაღალი, 12 კმ სიგრძის მონაკვეთი. კედელივით არის აღმართული ბალყარეთსა (ჩრდ-ით) და ზემო სვანეთს (სამხრ-ით) შორის. ბ. კ-ს საქართველოში ხალდის კედელსაც ეძახიან. ბ. კ-ზე გაშიშვლებულია კავკასიონის კრისტ. გულის ქანები – ნაცრისფერი გრანიტოიდები, რ-ითაც აგებულია ბ. კ-ის უმაღლესი მწვერვალები: ლალვერი, გისტოლა, კატინთაუ, ჯანლა, შოთა რუსთაველის მწვერვალი, შხარა; მათ შორის 4400–4100 მ სიმაღლის უღელტეხილებია.

ბ. კ-იდან ჩრდ-ით ეშვება კავკასიონის ერთ-ერთი უდიდესი ბებენგის მყინვარი, ხოლო სამხრ-ით – ხალდისა და შხარის მყინვარები.

ბ. კ-ის მწვერვალების ტრავერსი ერთ-ერთი უძნელესი ალპინისტური მარშრუტია კავკასიონზე.

მ. უთმელიძე
